



Broj: 07-11-357/24  
Vogošća, 02.04.2024. godine

Na osnovu člana 70. Zakona o javnim nabavkama BiH ("Službeni glasnik BiH" broj: 39/14 i 59/22), i čl. 71. i 125. Statuta Općine Vogošća ("Službene novine Kantona Sarajevo", broj: 27/14, 14/15 i 9/20), Općinski načelnik dana 02.04.2024. godine donio je

**ODLUKU  
O IZBORU NAJPOVOLJNIJEG PONUĐAČA ZA IZVOĐENJE RADOVA NA UKLANJANJU  
ZEMLJANOG MATERIJALA NA 2 LOKACIJE NA PODRUČJU OPĆINE VOGOŠĆA**

**Član 1.**

Ponuda ponuđača "Ame" d.o.o. Breza, ulica Branilaca grada bb Breza, odabrana je za izvođenje radova na uklanjanju zemljanog materijala na 2 lokacije na području općine Vogošća, kao prvoplasirana na Rang listi, sa ponuđenom ukupnom cijenom nabavke u iznosu od 48.800,00 KM bez uračunatog PDV-a, odnosno 57.096,00 KM sa uračunatim PDV-om.

**Član 2.**

Odluka o izboru najpovoljnijeg ponuđača će biti objavljena na web stranici Općine Vogošća, istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama BiH.

**OBRAZLOŽENJE**

Općinski načelnik je dana 27.02.2024. godine donio Odluku o pokretanju Otvorenog postupka nabavke radova na uklanjanju zemljanog materijala na 2 lokacije na području općine Vogošća, zajedno sa objavljivanjem Obavještenja o nabavci i tenderske dokumentacije na Portalu javnih nabavki BiH dana 04.03.2024. godine pod brojem: 1353-1-3-31-3-48/24.

Sažetak Obavještenja o nabavci objavljen je u "Službenom glasniku BiH" broj: 17/24 od 08.03.2024. godine.

Tendersku dokumentaciju sa Portala javnih nabavki BiH je preuzelo 25 (dvadeset i pet) ponuđača.

Krajnji rok za dostavu ponuda bio je 27.03.2024. godine do 10:00 sati, te je izvršeno javno otvaranje ponuda, što je konstatovano Zapisnikom sa otvaranja ponuda od 27.03.2024. godine.

Nakon izvršenog otvaranja ponuda, Komisija za javne nabavke je pristupila analizi dokumentacije priložene uz ponude, u smislu provjere njihove validnosti, s obzirom na iskazane zahtjeve ugovornog organa u Tenderskoj dokumentaciji broj: 07-11-357/24 iz marta 2024. godine, odnosno pregledu ponuda u skladu sa procedurama i pravilima utvrđenim Tenderskom dokumentacijom, te Zakonom o javnim nabavkama BiH i pripadajućim podzakonskim aktima.

Shodno navedenom Zapisniku sa otvaranja ponuda, Komisija za javne nabavke je konstatovala da je zaprimljeno 10 (deset) ponuda i to:

R.B.	NAZIV PONUĐAČA/GRUPE PONUĐAČA	UKUPNA CIJENA (KM) bez PDV-a	POPUST	CIJENA (KM)SA POPUSTOM bez PDV-a	UKUPNA CIJENA (KM) sa PDV-om
1	"Telefogradnja" d.o.o. Sarajevo	73.050,25	/	/	85.468,79
2	"Bucomerc" d.o.o. Kiseljak	74.990,15	/	/	87.738,48
3	"Dinalsa" d.o.o. Sarajevo	71.615,75	/	/	83.790,43
4	"Manjo" d.o.o. Sarajevo	73.491,50	/	/	85.985,06
5	"Ame" d.o.o. Breza	74.999,00	/	/	87.748,83
6	"ITC" d.o.o. Zenica	73.650,20	/	/	86.170,73
7	"Mibral" d.o.o. Sarajevo	74.856,35	/	/	87.581,93
8	"HL gradnja" d.o.o. Sarajevo i "Harysco" d.o.o. Sarajevo	74.939,50	/	/	87.679,22
9	"Mevludin commerc" d.o.o. Sarajevo	74.820,75	/	/	87.540,28
10	"MGBH" d.o.o. Sarajevo	74.922,08	/	/	87.658,83

Uvidom u priloženu dokumentaciju i suštinskom provjerom sadržaja i validnosti iste, Komisija za javne nabavke je utvrdila sljedeće:

Ponuda ponuđača "Dinalsa" d.o.o. Sarajevo ne ispunjava formalno-pravne uslove tražene Tenderskom dokumentacijom i to:

Tačkom 7.4.1. pod b) TD su zahtijevane obrazovne i profesionalne kvalifikacije lica koja su angažovana na izvođenju konkretnih radova tj. da ponuđač za potrebe realizacije predmeta nabavke ima na raspolaganju angažovano tehničko osoblje i to između ostalih i 1 (jedno) lice koje ispunjava uslove za obavljanje poslova predradnika (poslovođe) građevinske struke, minimum IV stepen stručne spreme i 3 (tri) godine radnog iskustva.

Kao dokaz za traženo tačkom 7.4.2. pod b) TD za 1 (jedno) lice koje ispunjava uslove za obavljanje poslova predradnika (poslovođe) građevinske struke, minimum IV stepen stručne spreme bilo je potrebno dostaviti Diplomu/Svjedočanstvo o završenoj traženoj stručnoj spremi i dokaz o radnom iskustvu i radnom angažmanu.

Napomenom III je propisano da dokazi o radnom angažmanu za sve tražene osobe mogu biti Lista osiguranih lica iz Poreske uprave-nadležne ispostave, Ugovor o djelu ili Ugovor o poslovno tehničkoj saradnji, shodno tački 7.4.1 b) TD.

Ponuđač "Dinalsa" d.o.o. Sarajevo je u Ponudi (strana 30. Ponude) dostavio Ugovor o poslovno tehničkoj saradnji, zaključen dana 26.03.2024. godine između "Dinalsa" d.o.o. Sarajevo, kao Naručioca i Nurdina Memiševića, kao Izvršioca.

Dostavljeni Ugovor Komisija za javne nabavke je smatrala neispravnim jer je jasno vidljivo da isti nije potpisan od strane Izvršioca Nurdina Memiševića, dipl. ing. građevine.

Svoj stav Komisija za javne nabavke je temeljila na odredbama Zakona o obligacionim odnosima ("Službeni list RBiH", br. 2/92, 13/93 i 13/94 i "Službene novine FBiH", br. 29/03 i 42/11) koji u članu 72. stav 1. propisuje: "Kad je za zaključenje ugovora potrebno sastaviti ispravu, ugovor je zaključen kad ispravu potpišu sva lica koja se njim obavezuju".

Član 72. stav 3. propisuje "Za zaključenje dvostranog ugovora dovoljno je da obje strane potpišu jednu ispravu ili da svaka od strana potpiše primjerak isprave namijenjen drugoj strani".

Zbog prethodno navedenog, a u skladu sa odredbom člana 2. stav I alineja 3. i člana 68. stav 4. alineja i) Zakona o javnim nabavkama BiH ("Službeni glasnik BiH", broj 39/14 i 59/22) predmetna ponuda je formalno-pravno nepravilna i kao takva nije prihvatljiva za ugovorni organ.

Uvidom u priloženu dokumentaciju i suštinskom provjerom sadržaja i validnosti iste, Komisija za javne nabavke je utvrdila da Ponude ponuđača/Grupe ponuđača:

- "Telefongradnja" d.o.o. Sarajevo,
- "Bucomerc" d.o.o. Kiseljak,
- "Manjo" d.o.o. Sarajevo,
- "Ame" d.o.o. Breza,
- "ITC" d.o.o. Zenica,
- "Mibral" d.o.o. Sarajevo,
- "HL gradnja" d.o.o. Sarajevo i "Harysco" d.o.o. Sarajevo,
- "Mevludin commerc" d.o.o. Sarajevo i
- "MGBH" d.o.o. Sarajevo

ispunjavaju formalno pravne uslove, odnosno zahtjeve ugovornog organa tražene Tenderskom dokumentacijom.

Komisija za javne nabavke je zatim pristupila razmatranju finansijskog dijela ponuda ponuđača koji ispunjavaju formalno-pravne uslove, odnosno zahtjeve ugovornog organa tražene Tenderskom dokumentacijom, te je izvršena računska provjera dostavljenih ponuda i utvrđeno je da nema računskih grešaka, a sve u skladu sa odredbom člana 17. stav 1. Uputstva za pripremu modela tenderske dokumentacije i ponuda ("Službeni glasnik BiH" broj: 90/14 i 20/15).

Tenderskom dokumentacijom-tačkom 9.4. (Ispravka računskih grešaka i E-aukcija), a u skladu sa Pravilnikom o uslovima i načinu korištenja E-aukcije ("Službeni glasnik BiH" broj: 80/23) predviđen je postupak E-aukcije, koji uključuje podnošenje novih cijena, izmijenjenih naniže, ili cijena i novih (poboljšanih) vrijednosti koje se odnose na određene elemente ponuda, a odvija se nakon početne ocjene ponuda i omogućava njihovo rangiranje pomoću automatskih metoda ocjenjivanja u informacionom sistemu E-nabavke.

E-aukcija je bila zakazana za 01.04.2024. godine u 09:05 sati.

Nakon provedenog postupka E-aukcije i po završetku iste, a u skladu sa Izvještajem o toku i završetku E-aukcije od 01.04.2024. godine, Komisija za javne nabavke je sačinila sljedeću Rang listu u Otvorenom postupku nabavke radova na uklanjanju zemljanog materijala na 2 lokacije na području općine Vogošća kako slijedi:

R.B.	NAZIV PONUĐAČA	UKUPNA CIJENA (KM) bez PDV-a	UKUPNA CIJENA (KM) sa PDV-om
1	"Ame" d.o.o. Breza	48.800,00	57.096,00
2	"Bucomerc" d.o.o. Kiseljak	48.850,00	57.154,50

3	"Mevludin commerc" d.o.o. Sarajevo	49.000,00	57.330,00
4	"Telefogradnja" d.o.o. Sarajevo	55.000,00	64.350,00
5	"Manjo" d.o.o. Sarajevo	63.836,00	74.688,12
6	"ITC" d.o.o. Zenica	73.650,20	86.170,73
7	"Mibral" d.o.o. Sarajevo	74.856,35	87.581,93
8	"MGBH" d.o.o. Sarajevo	74.922,08	87.658,83
9	"HL gradnja" d.o.o. Sarajevo i "Harysco" d.o.o. Sarajevo	74.939,50	87.679,22


Iz navedenih razloga, a primjenom člana 64. stav 1. tačka b) Zakona o javnim nabavkama BiH ("Službeni glasnik BiH" broj: 39/14 i 59/22), Komisija za javne nabavke je jednoglasno dala preporuku Općinskom načelniku da donese Odluku o izboru najpovoljnijeg ponuđača "Ame" d.o.o. Breza, za izvođenje radova na uklanjanju zemljanog materijala na 2 lokacije na području općine Vogošća, kao prvoplasiranom na Rang listi, sa ponuđenom ukupnom cijenom nabavke u iznosu od 48.800,00 KM bez uračunatog PDV-a, odnosno 57.096,00 KM sa uračunatim PDV-om.

**Pouka o pravnom lijeku:** Ponuđač koji je učestvovao u postupku nadmetanja može radi zaštite svojih prava, u roku od deset dana od prijema Odluke o izboru najpovoljnijeg ponuđača izjaviti žalbu. Žalba se podnosi Uredu za razmatranje žalbi BiH putem ugovornog organa.

Izradio: Mirza Čutura



Kontrolisala: Melisa Kršo



 OPCINSKI NAČELNIK  
  
Migdad Hasanović

Dostavljeno:

1. "Telefongradnja" d.o.o. Sarajevo
2. "Bucomerc" d.o.o. Kiseljak
3. "Dinalsa" d.o.o. Sarajevo
4. "Manjo" d.o.o. Sarajevo
5. "Ame" d.o.o. Breza
6. "ITC" d.o.o. Zenica
7. "Mibral" d.o.o. Sarajevo
8. "HL gradnja" d.o.o. Sarajevo
9. "Mevludin commerc" d.o.o. Sarajevo
10. "MGBH" d.o.o. Sarajevo
11. Nadležnoj Službi
12. U dosije
13. a/a

info@telefongradnja.ba  
bucomerc@yahoo.com  
info@dinalsa.ba  
info@manjo.ba  
ame@bih.net.ba  
elvedina@itc.ba  
info@mibral.ba  
hl.gradnja.doo@gmail.com  
mevludin-commerc@hotmail.com  
info@mgbh.ba